

高上玉皇本行集經卷下





高上玉皇本行集經卷

下

天真護持品第四

爾時

昊天上帝聞說經法從

座而起長跪





帝前白言。惟願聖慈。普  
爲大衆。及諸天人。持是  
經人。說利益事。于時

玉皇上帝。興方便意。開  
利益門。宣玉匱科。傳靈  
寶法。告於



昊天上帝曰。汝等諦聽。  
當為汝說受持功德。扶  
危拔苦。利益存亡。神妙  
之事。衆真稽首。俱發聲  
言。臣等今日幸聞湛然  
常住之法。莫不上福諸



天徧周三界。三塗五苦。  
咸得消滅。惟願慈悲。憫  
臣等故。演斯妙義。

玉帝告曰。若有衆生。孝  
養父母。恭敬三寶。竭忠  
於君。不殺不盜。不婬不



妬。不嗔。不恨。不驕。不詐。  
奉。或持齋。真心大道。生  
尊重心。持誦是經。我即  
勅下。周流法界。徧傳十  
方。無極世界。勅命東方  
東華帝君。青騎神仙兵



馬無鞅數衆。悉令下降。  
覆護受持。是此經者。勅  
命東南扶桑大帝。與其  
部衆神仙兵馬。無鞅數  
衆。悉令下降。覆護受持。  
是此經者。勅命南方朱



陵大帝。赤騎神仙兵馬。  
無鞅數衆。悉令下降。覆  
護受持。是此經者。勅命  
西南太華元老。與其部  
衆神仙兵馬。無鞅數衆。  
悉令下降。覆護受持。是



此經者勅命西方皓靈  
皇老白騎神仙兵馬無  
鞅數衆悉令下降覆護  
受持。是此經者。勅命西  
北皇天上帝。與其部衆  
神仙兵馬。無鞅數衆。悉



令下降。覆護受持。是此  
經者。勅命北方紫微帝  
君。黑騎神仙兵馬。無鞅  
數衆。悉令下降。覆護受  
持。是此經者。勅命東北  
冲虛天君。與其部衆。神



仙兵馬。無鞅數衆。悉令  
下降。覆護受持。是此經  
者。勅命上方天皇大帝。  
崑崙蒼老。黃騎神仙兵  
馬。無鞅數衆。悉令下降。  
覆護受持。是此經者。勅



命下方來和天君。各山大洞神仙兵馬無鞅數。衆悉令下降。覆護受持。

是此經者。勅命十方一切金仙。四衆八部。及諸眷屬。悉令下降。覆護受



持。是此經者。勅命十方。  
天真大聖。飛天神王。三  
官四聖。二曜九星。北斗

南斗。東斗。西斗。中斗。二  
十八宿。周天衆星。金剛  
力士。神王等衆。各與部



衆悉令下降。覆護受持。  
是此經者。勅命降魔力。  
士。四天門王。五嶽四瀆。  
及諸名山。四海九江。十  
二河源。山林川澤。一切  
主者。悉與眷屬。覆護受



持。是。此。經。者。諸。險。惡。處。  
令。得。安。穩。勅。命。所。在。一。  
切。土。地。靈。官。并。溝。渠。等。  
神。及。一。切。諸。大。力。鬼。王。  
皆。令。覆。護。受。持。是。此。經。  
者。令。諸。魔。外。道。悉。皆。懾。



伏潛形遁跡。高飛海外。  
遠避他方。如是山林社  
稷祠廟。血食之屬。一切  
鬼神。當自消滅。五方行  
病。瘟疫鬼帥。諸惡鬼神。  
并風王水怪。孽龍妖神。



土精木魅。盡自消滅。五

虛六耗。夢寐美乖常。野道

咒詛。蠱毒之類。皆自消

滅。是持經人。心欲願者。

一切如意。皆得滿足。或

有未能。遵依科教。修崇



齋醮。但能清淨。持戒專  
一。信受尊重。敬慕。是此  
經典。並同修齋。護持淨  
戒者。是人功德。坦然無  
礙。自在逍遙。號人中聖。  
德慧長新。同諸真人。爾



時 昊天上帝。聞是說  
已。即於

帝前稽首歌曰

大哉至道

無形無名

渺渺億劫

黃道開清

神清朗耀

九炁吐精



玉虛澄輝

玉皇開化

三元道養

朽樹故根

蠢動蛸息

懷胎含孕

太霞高明

溥度天人

二象攝生

已枯使榮

長生化形

俱得生成

卷

聖

任



亡者命過

魂歸三清

魄受鍊度

南宮飛昇

今日大吉

皆得光明

五帝鑒映

普告萬靈

天神地祇

及諸河源

五嶽四瀆

及諸名山



洞玄洞虛

洞空洞仙

無極大聖

至真尊神

無窮無極

溥監度生

惡根斷絕

玄都記名

衆真班列

咸聽帝言

經是帝勅

保誦持人



至度道岸

無使災侵

我奉帝命

一切咸聽

于時

昊天上帝。說是歌已告。

大衆言此。

玉皇妙法語。諸聖祕密。



言路絕道斷。微妙難思。  
魏魏大範。為神明之宗。  
保鎮國土。拔度生死。爾  
時。昊天上帝。說是語  
已。法筵清衆。咸仰  
道言。溥得開悟。於是



天尊而說偈曰。

玉帝功德大

玄理極幽深

生於浩劫前

運化於古今

我今說妙經



憫念諸有情

此誠極妙法

功德中功德

名號最上乘

無比為第一

大光明王尊



威德世希有

能破暴惡魔

皆令心降伏

能滅極重罪

皆令得清淨

若人聞是經



或聞帝妙號

稽首生恭敬

一切罪消滅

十惡四重罪

五逆於父母

信心一稱名



隨聲盡消滅

保護人天衆

四相與五衰

三塗極重苦

人間凡厄難

凶年饑饉喪



毒藥及魘牙魅

刑獄與冤家

軍陣鬪戰苦

山林惡道中

虎豹豺狼衆保

江海毒龍類



迅雷風雨雹

水火及盜賊

蠱毒中心腹

失志發狂亂

蛇蠍毒惡蟲

邪魔鬼凶怪神



伺求人便者

由持是真經

普皆自散滅

惡病又纏綿

夢寐亦不安

非理欲殘命



田  
殄滅不為殃

緣遇是經故

安穩得自在

所有希求願

財寶及富貴

以此經功德



如意皆稱遂

神威自在仙

諸天十一曜

三十二天主

二十八宿星

靈妃玉女等



天神及地祇

三界虛空神

江海諸龍王

水火及風神

宮殿與宅舍

山林樹木衆



溝渠井泉神

由持是經故

一切皆擁護

衣食常自然

子孫臻富貴

出言人希聞



所至皆推敬

若為求男女

持誦此真經

帝詔下天曹

落籍天仙人

宅

降謫生其家



為其作男女  
顯貴人崇重  
七祖得超昇

光大慶門戶

延及父母親

吉祥常熾盛



灾障不能侵

是故我今說

大衆宜諦聽

慈悲度一切

皆令達上清

于是



天尊普告四衆。凡人持  
念此經。受誦帝跡。皆道  
根深重。宿有善緣。此經  
尊妙。普度天人。但精心  
恭奉。家國安寧。保命度  
灾。掃除不祥。天子王侯。



得奉之者。致國太平。凶  
寇自夷。邊域不爭。兆民  
歌唱。普天興隆。運推數  
周正道當行。有得之者。  
天真敬重。寶之祕之。

報應神驗品第五



爾時。慈悲度厄真人。尋  
聲救苦真人。濟生度死  
真人。萬福護身真人。俱  
從座起。越班而出。俱白  
天尊言。若諸末世凡夫。  
雖宿有善緣。得遇是經。



被諸邪障。所隔本末。疑  
惑不信。是經功德。如是  
之人。見在未來。於諸地  
獄。得何罪報。惟願  
聖慈。說其報應。惡趣之  
苦。是時



天尊謂四真人云。若諸

世間。剛強暴惡。不善衆

生。終日竟夜。對諸道像。

無恭敬心。出誹謗語。是

罪當墮。五無間獄。若得

值遇。是持經人。設諸方



便誘引開導。如是之人。  
能滅惡心。信向是經。彼  
人罪業淨盡無餘。又若  
有邪見。愚執惡人。覩持  
是經。生諸惡逆。偏眼邪  
視。乃至起一惡心。發一



惡言。妄生謗讟。持經之  
人。其罪深重。命終之後。  
墮大地獄。永無出期。至  
若在世男女。得遇是經。  
不生敬仰。穢手污觸。葷  
口讀誦。床榻他不淨。便將



安置。或誦是經。講習俗  
語。共同戲笑。以為常典。  
如是之人。命過之後。墮  
無間獄。永無出期。殃緣  
九祖。受拷。酆都累及于  
孫。害纏後代。是人於地。



獄中。歷無量劫。受大苦。樂  
惱。縱遇聖教。累承救拔。  
罪惡小減。又遇上聖殊  
恩。得離地獄。生餓鬼中。  
歷千萬劫。不聞漿水之  
名。鬼報得盡。生畜生中。



畜生報已。若生人中。復  
生邊夷外域。而復女身。  
貧寒困苦。癯殘百病。受  
無量苦。人所憎棄。求生  
不生。求死不死。輕斯經  
故。獲罪如是。又復有人。



初雖信受。後復慢易。善  
惡童子。上奏三官。黑簿  
書名。青篇減算。身歿之  
後。拘閉幽牢。徃復三塗。  
無由解脫。或於見世。受  
種種病。疥癩癰疽。以為

儉

粗



果報。憂悲苦惱。日夜相

头

煎。或身被橫惡所加。或

去聲

牢獄繫鎖。或非命自害。

毒藥所殘。或被虎狼毒

汗

蛇之所瞰食。或為冤債。

希

之所牽引。或行山林。值



遇惡人被<sup>安</sup>他屠割推落

崖岸。或被邪精魍魎之

所殘害。或值水火之所

焚漂。或被刀兵之所橫

誅。輕斯經故。橫喪天年。

獲如是果。獲如是報。可



不悲歟。可不痛歟。汝宜  
殷勤。依此奉行。勿生邪  
念。若諸念不生。萬緣頓  
息。塵沙惡業。随心消散。  
一切灾魔。自然殄滅。此  
經功德。不可思議。是誠



無比最上妙法。諸經之  
王。有大利益。非人勿示。  
若諸天人。五衰四相。輪  
迴侵逼。能捨除妄想。受  
持是經。坐招自然天福。  
益固身。度三界。與道長。



存。是此經典無與等。無  
能勝。是大威德大神咒。  
能令一切枯槁便生枝  
葉。花果茂盛。能除衆生  
極重苦惱。能令短命衆  
生。而得長壽。此經功德。



不可思議。歎莫能盡。若  
不宿植道本。廣種福田。  
乃至經名。尚不得聞。何  
况得見是經。蓋是經依  
三洞真格。八萬劫一傳。  
此清都至真。上聖所寶。



秘於玉京金闕。甚為微  
妙。難可得遇。如宿有仙  
骨。當為九天真仙之人。  
得遇斯文。承斯緣故。後  
當齋子金寶。從師告盟受  
之方。當承機應運。乃可



付焉。不得輕泄。敬之慎  
之。于是

天尊重宣此義。而說偈

曰。

設使江河水

波浪能生蓮



慈烏毛能白

如經故難遇

設使龜生毛

堪採為衣服

夜月能消冰

如經故難遇



設使蚊蠓足

祖

堪構為橋梁

能載一切重

如經故難遇

設使黃口雀

且

能銜諸大山



擲之他方界

如經故難遇

設使一葉舟

力能載崑崙

浮度於大海

如經故難遇



設使諸水蛭

口能生巨齒

其大如象牙

如經故難遇

設使蓬蒿葉

能覆無鞅界



廕庇崑崙山

如經故難遇

設使烏梟類

同樹一巢棲

銜食共反哺

如經故難遇



設使兎生角

堪用為梯磴

上窮有頂天

如經故難遇

設使鼯鼠等

緣於兎角梯



至天能食月

如經故難遇

設使驢顏唇

色如蘋婆果

復能作歌舞

如經故難遇



設使蠅蟲等

能飲鍾石酒

迷荒而沈醉

如經故難遇

爾時

天尊宣說偈已普告四



衆世間若有持是經人。  
名功德身。一切有情被  
其蔭。故持是經人。名神  
通身。一切吉祥。咸臻集  
故持是經人。名清淨身。  
是諸惡業。不能侵。故持



是經人名威德身。天魔  
異道不能攝。故持是經  
人名無等身。上帝遙唱。

萬神敬。故持是經人名  
堅固身。惡劫大難不能  
損。故持是經人名道藏。

親



身。口。出。語。言。鬼。神。仰。故。  
持。是。經。人。名。慈。悲。身。六  
道。衆。生。賴。其。善。故。持。是  
經。人。名。大。道。身。出。入。所  
在。無。怖。畏。故。持。是。經。人  
名。良。醫。身。善。行。妙。法。安。



樂人故持是經人。名光  
明身。常為帝光所攝受  
故持是經人。名自在身。  
天宮妙境。神能遊。故持  
經功德。說不可盡。又若  
道士志人。能結壇誦經。



着新淨衣。於夜半後。聞  
寐之時。獨處清淨室。叩  
齒九通。東向端坐。誦詠  
是經。於是時也。天真御  
几。玉妃拂筵。萬神班列。  
諸天臨軒。三界侍衛。五



帝司迎。又能閉目靜思。  
存想是經。不覺身處三  
色雲氣之中。俄見其身。

光明赫奕。上昇天宮。衆  
真下迎。心有所請。一切  
應奉。仙丹妙寶。隨意自



得宜當依科。冥心奉行。  
此經乃至三世金仙。十  
方大聖。皆從此經依科  
修奉。故得超證。無上妙  
道。是茲  
玉帝。諸天之師。衆聖之



王。是故凡夫。值遇是經。  
精一修奉。乃至五帝輔  
翼。召使羣仙。御役神官。  
運道陰陽。千靈敬仰。萬  
神懾伏。百邪避路。群魔  
束形。命過之後。即得南



宮受鍊。飛步上清。逍遙

自在。與道長存。又復世

間。衆生得聞。是經。心生

渴仰。能於家庭。擇清淨

處。畫帝尊像。日夜虔虔。

晨昏。濟濟。香花燈果。尊



重供養。稱讚聖號。瞻禮  
誦經。是人當得三十種。  
上妙功德。

一者諸仙讚重  
二者先亡生天  
三者宿殃解脫



四者所往通達

五者無盜賊事

六者所求遂心

七者除水火厄

八者橫事潛消

九者夜夢吉祥



十者疾病不侵

十一者智慧聰明

十二者人見歡喜

十三者衣食豐盛

十四者子孫榮貴

十五者六親見喜



十六者門族和睦

十七者除三惡報

十八者轉女成男

十九者形容端嚴

二十者為國大臣

二十一者生為帝子



二十二者鬼神欽仰

二十三者得宿命通

二十四者諸神護念

二十五者九族受廕

二十六者處世長年

二十七者有情賴善



二十八者魔王保迎  
二十九者決超三界  
三十者白日上昇

爾時

天尊復告四衆曰。此經  
功德能碎鐵圍諸山。竭



苦海水。破大地獄。拔諸  
罪苦。降暴惡魔。護諸國  
土。能滅一切惡鬼。能除  
一切重病。能解一切惡  
毒。能離一切惡人。能伏  
一切毒獸。能摧一切邪



道一切諸天皆自尊敬。  
其餘功德說不可盡。爾  
時道場大衆。金仙菩薩。  
真聖眷屬。聞是說已。歡  
喜踊躍。稽首敬禮。而作

頌曰。



大哉至道

無宗上真

上度諸天

下濟幽魂

上無師祖

惟道為身

丹臺紫府

金闕玉京

祕此妙法

溥福含靈

滅我萬罪

增我遐齡



萬神朝禮

魔王保迎

功德昌盛

黃籙書名

渺渺億劫

使我長存

于時會衆。說是頌畢。稽

首皈依。奉辭而退。

高上玉皇本行集經卷



下。

無上玉皇心印妙經

上藥三品  
神與氣精

恍恍惚惚  
杳杳冥冥

存無守有  
頃刻而成

迴風混合  
百日功靈



默朝上帝

一紀飛昇

知者易悟

昧者難行

履踐天光

呼吸育清

出玄入牝

若亡若存

綿緜不絕

固蒂深根

人各有精

精合其神



神合其氣

氣合體真

不得其真

皆是強名

神能入石

神能飛形

入水不溺

入火不焚

神依形生

精依氣盈

不凋不殘

松栢青青



三品一理

妙不可聽

其聚則有

其散則零

七竅相通

竅竅光明

聖日聖月

照耀金庭

一得永得

自然身輕

太和克溢

骨散寒瓊



得丹則靈

不得則傾

丹在身中

非白非青

誦之萬遍

妙理自明

無上玉皇心印妙經

誦經後念十遍玉經纂補闕

志心皈命禮



金闕玄穹主。高上玉皇  
尊。諸佛聖師。萬天帝主。  
演三卷五品之妙法。周  
十號萬德之洪名。放十  
七大光明。示三十種功  
德。拔度生死。運化古今。



一萬二千三十六字洞  
玄靈寶高上玉皇本行  
集經。

長跪回向懺悔文

伏以龍章鳳篆已彈歌  
詠之誠鶴駕鸞輿重奠



鑒觀之慧。臣謹炷真香。  
重誠奏啓。

道經師寶元始萬神玉

光會中一切聖真恭望  
恩光俯垂證鑒。臣向來

看誦。



玉皇本行集經幾部敬  
為保佑。某入祝語。伏念某。  
所宣經典。罔敢不虔。其  
柰業力障魔。神志錯亂。  
所立根鈍。自然想來。脫  
畧混堯。顛典倒重疊。臨文



狗意字誤。句差。乖清濁  
之正音。泥解會之邪見。  
事奪其志。心不在經。問  
對起居。斷絕隔越。久誦  
懈怠。因事念。嗔嚴潔。或  
涉於垢塵。肅敬。或成於



瀆慢身。口服用之不淨。  
衣冠禮貌之弗虔。供不  
如儀處非其地。卷舒揉  
亂。隊落脫傷。不專不恭。  
大慚大愧。伏願。  
慈悲憐憫。赦釋罪愆。庶



使誦持得臻感格。所祈  
所願。如志如心。尚慮經  
中傳授或誤。刊寫多訛。  
其師其人。悉皆懺悔。仗  
道威力。願罪消除。常轉  
法輪。普度羣品。為如上



緣稽首稱念。

太上無極大道。

至真無上三十六部尊

經真文寶符。

太上三尊十方衆聖

玄中大法師。



玉皇赦罪大天尊玄穹  
高上帝。

玉經中無鞅數衆神仙。

不可思議功德。

高上玉皇本行集經懺

悔文

終



收金光咒

元始天尊

修煉雷霆

日月交合

星宿璇璣

五炁交結

運動乾坤

威震霹靂

邪鬼滅形

五明交合

萬道明輝



周行事畢

隨吸歸身

五靈混合

我得長生

嘒唎嘖嘖

嘒鳴唎嘖

嘒亨薩唎

大有妙庭

急急如律令







